

DIARANZON 6 NOVEMBER 2019

DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw

🌐 www.diario.aw

1,75 FLORIN

NATURALEZA

**Vehiculonan
UTV tin
atencion di
Director di
DNM**

Watty Vos Boulevard awor habri pa tur trafico



ORANJESTAD (AAN): Diamars mainta algo despues di 10'or, e caminda a habri pa tur trafico. Na altura di e rotonde cerca di Ling & Sons IGA Supercenter, Minister Otmar Oduber hunto cu demas funcionario a efectua e apertura di Watty Vos Boulevard conhuntamente cu DOW y Mota Engil. El a splica cu e proyecto ta uno cu pa mas di 40 aña a cuminsa planifica y den e ultimo 25 añanan a cuminsa ehecute. Awor el a habri, y trabao cosmetico lo sigui entre 3 pa 4 luna mas prome cu e proyecto keda cla completamente.

Ministro a gradici Mota-Engil, cu a ehecute e proyecto y a gradici tur input di parti DOW y tur stakeholders envolvi, den realisacion di proyecto. Awor cu e camindanan ta habri lo sinti agilisacion den trafico. Ta gradici comunidad pa e pasenshi cu comunidad tabatin durante e periodo di ehecucion di e proyecto.

E tres pa cuater lunanan benidero e trabao cu falta lo tuma lugar:

'Soft Opening' di Watty Vos Boulevard a tuma lugar diamars mainta



ORANJESTAD (AAN) — Diamars mainta tabata tin e "soft opening" di Watty Vos Boulevard, y den su disertacion Minister di Infraestructura Otmar Oduber, a expresa cu e ta sigur cu e garantia cu gobierno ta bay haya na final di e producto, ta bay ta sumamente positivo y bon, conforme e contrato cu Mota Angel. E mandatario ta kere cu e reconocimiento cu a bin di parti di e compania Mota Angel, Director di DOW y su mes persona ta hopi cla pa tur hende. "No tabata

dos aña facil, pero tabata tin hopi kibramento di cabes y discusionnan, intercambio di idea y pensamento cu expertonan di afo cu mester a bin yuda, pa por inaugura e proyecto aki awe", Minister Oduber a expresa. E dignatario a subraya cu e proyecto ainda no ta cla. El a splica cu prome cu complete, mester tabata sigur cu e caminda ta safe pa e usuarionan, pa por sigui cu e parti di landscaping, drechamento di aceranán, etc. E mandatario a indica cu tin hende tin critica cu esaki

no a wordo haci. Pero awor e por a firma e "availability certificate" a base di tur e confianza y consehonan cu el a ricibi, entre otro di expertonan internacional, pa e caminda ta safe pa e automobilistanan.

E mandatario a acentua cu e caminda ta safe y cu den e periodo di tres pa cuater luna nos dilanti, prome cu tin e dia di cumplimento, kieren e dia cu e proyecto ta wordo entrega, e trabaonan menciona lo keda cla. Y di e manera cu e proyecto ta e

momento ey, asina e lo wordo mantene pa binti aña largo.

Den e fase siguiente, el a menciona, e trabaonan di decoracion, ponemento di mata, drechamento di aceranán, ceramento di buraco, e legonan cu tey specialmente pa trucknan grandi ora nan tin cu drecha den area di rotonde, pa nan no bula riba acera ta haci un parti cu ta alerta nan, pa nan por pasa den e areanan ey.

Minister Oduber a subraya cu esaki ta un proyecto cu a wordo planifica mas cu 40

aña pasa y a tuma 25 aña pa por a ehecute. E mandatario a gradici e pasenshi di comunidad den tur e proceso aki y ta pidie un tiki mas di pasenshi ainda pa caba di drecha aki aya, pero un bez cu habri e caminda, aki un par di siman, tur hende ta bay haya su caminda nobo, cu mester custumbra cune pa hiba muchanan scol, pa bay trabao, y pa e taxistanan cu tin cu pasa den e area aki.

E minister a subraya cu e proyecto aki lo haci e trafico hopi mas organiza.

Discurso di Minister Otmar Oduber na ocasion di inauguracion di Watty Vos Boulevard

ORANJESTAD (AAN)


— Durante e inauguracion di Watty Vos Boulevard diamars mainta, Minister Otmar Oduber a dirigi palabra na tur e invitadonan cu tabata presente.

“Mi por a comprende, den e planificacion a tuma rond di cuater aña di negociacion y preparacion pa percursu pa tin e financiamiento necesario, e ekiponan pa prepara e trabaonan riba papel, pa e por a cuminsa

wordo ehecuta.

“E Gobierno aki, Gabinete Wever-Croes cu ta sinta na e momentonan aki a ehecuta un proyecto cu no tabata facil manera mi a bisa. Cu tur su retonan, cu tur su complicacionnan pero a hacie di e mihor forma cu e expertonan cu nos tin, y dunando tambe nos expertonan local e sosten cu tabata tin.

“ Un proyecto manera esaki, cu ta den planificacion, den preparacion pa casi 40



aña, nos tur por conta cuanto gobierno a cay bao di dje, no por tin duda di un necesidad cu tabata creciendo, y un necesidad cu no ta un luho pa e pais aki pero cu mester di dje pa e calidad di bida di nos hendenan.

“ Y pesey awe, mi ta para cu hopi honor akinan. Un trabao hopi duro, manera mi a bisa un rato pasa, hopi batimento di cabes, hopi discusion, hopi diferencia di opinion cu

por tabata tin, pero tambe hopi momento di placer y satisfaccion, ora bo a mira cu asfaltamento a cuminsa, cu overpass ta wordo crea, cu na cierto momento rotondenan ta keda cla, bo ta mira luznan ta bay halto y, finalmente, nos ta yega na e momento cu nos ta habri y haci apertura di e trabaonan aki.

“ Mi ta bolbe pidi, pa ultimo biaha por ta, pasenshi di comunidad

di Aruba. Nos tey, e caminda ta habri, ainda ta falta algun trabao cu tin cu wordo ehere, tin di nan cu mester wordo drecha, tin otro nan cu mester wordo take care: matanan, landscaping, pero na final di dia nos por ta sumamente orguyoso.

“Mi kier finaliza gradiciendo Departamentonan di obranan publico, DOW, Marlon cu a kibra cabes hopi mes den presencia di e team completo, tin biaha nos so sinta na mesa, pero awe nos por ta sumamente orguyoso di e trabao cu DOW a ehere y mi kier a pidi un fuerte aplauso pa henter e team cu a traha. Pabien Aruba! Laga nos uza e caretera aki di e mihor forma, mas sano posible. E ta un proyecto nobo, cu hopi reto pa e automobilista, 13 rotonde den total di diferente tipo: paperclip, turbo, single, doble, triple rotonde. Tur sorto di rotonde cu tin”, Minister Otmar Oduber a expresa.

Pa conclui el a resalta e presencia di KPA durante e evento aki, y a bisa cu den e siman y lunanan nos dilanti lo percursu pa educa comunidad pa drecha y sali di e rotondenan cu sight light y sali for di nan y si e automobilista bruha no subi riba e aceranano nobo cu peligro di causa accidente. “Dal un ronchi, cera conoci cu e rotonde, bay den bo link corecto y asina nos tin un trafico safe na Aruba”.

**Telefonnan di
DIARIO
582-6747
Fax 582-8551**